

بوكيه ورد - خالد

في بطء وخبث كور هشام ورقة من الأوراق التي يحويها مكتبه صانعا منها كرة واطلقها فجأة باتجاه زميله بالمكتب الذي كان يبدو عليه انه يسبح بمخاطره في عالم آخر كما بدا لهشام فإنتفض بدوره في إنزعاج ناهراً زميله "إيه يا هشام فيه ايه بطل استظراف".

- ايه يا عم خالد انا كنت بصحيك م النوم يا بني انت مش هنا.

- نوم ايه انت كان "مشيرا لجهاز الكمبيوتر" منا بشتغل اهه مش شايف.

- شايف شايف ههههه سيبك انت بس قولي .. مالك مدهول كده ليه يابني .. ثم يقترب بكرسيه ذي العجلات حيث يجلس خالد ويتحدث بشكل كوميدي وكأنه يتحرق السرية "انت لسه متم بالبنت بتاعة الورد؟".

- هشام ملكش دعوة بالموضوع ده قتلتك.
- الحق عليا انا بمحاول اساعدك بدل مانت طالع نازل م
البنك تراقبها.
- انا اصلا غلطان اني اتكلمت معاك.
- لا مش غلطان هو احنا مش صحاب واللا ايه؟ وبعدين
منا قتلتك رأيي .. روح كلمها وش كده انت الي متردد ومش
فاهم مالك.
- بجد مش عارف .. من ساعة ما فتحت محلها أدام البنك
وبقيت بشوفها كل يوم وبتابعها وانا عندي رغبة فظيعة اني
اتعرف عليها.
- هو انت مش ممكن تكون حبيتها من بعيد لبعيد كده يا
معلم .. مش مصدقك انا.
- مش فكرة حبيتها .. بس انا لازم الاقي طريقة اتكلم بيها
معاها.
- ما تروح تكلمها يابني خنقتني.
- لا طبعا الامور متجيش كده انت مش فاهم.
- الي هو ايه الي مش فاهمه.

- اصل انت مشفتاش يا هشام بتعامل مع الورد ازاي ..
- يابني دي رقيقة رقة .. انا خايف اروح اكلها اصلا من رقتها.
- طب اقوللك فكرة عظيمة انا.
- ايه؟
- الفالتين يعد يومين ثلاثة .. ما تجيلها ورد وتروح تكلها
- هاهاهاها.
- انت بتزهره صح .. بتستخف دمك.
- ايوااااا.
- طب ايه رأيك بقى انا قريرت في صفحة عمق ع الفيسبوك
- انه حتى بائعة الورد تفرح اذا اهداها احدهم وردة.
- يا راجل .. صفحة ايه؟
- عمق يا جدع.
- ضارباً على جبهته علامة اليأس من صديقه "عمق قالت
- كده .. طيب يا خالد .. ربنا معاك انا حسكت اهه ومش
- حتكلم".

ينظر خالد في ساعة يده المشيرة للثانية عشرة فيعدل من هندامه وربطة عنقه الأنيقة فيبادره هشام قائلاً "يلا ننزل نشرب قهوة".
- لا انا عندي مشوار .. سلام.

يخرج خالد من بوابة البنك ويعبر الطريق وعلى وجهه أشد علامات التردد والحيرة متوجهاً لباب محل هند فيدفعه ويدخل فتستقبله هند بابتسامة ودودة من خلف رف الورود ثم يأتي عمر من خلفه متساءلاً "اتفضل يا فندم .. أساعد حضرتك ازاى" فيعلق خالد نظره بهند فتصرف هند عمر قائلة "روح انت يا عمر انا حساعد الاستاذ .. اتفضل يا فندم".

- أنا كنت عايز أسأل عن ...

- عن ايه؟

- عن بوكيه ورد .. انا عايز اعمل بوكيه ورد بس كنت عايز اسأل عن جملة متعلقة على المحل من بره .. حضرتك كاتبه لكل زهرة معنى ولكل بوكيه قصد .. اهدي الي تقصده.

- صحيح .. ده كلام صحيح.

- ايوه عايز افهم الاول المعنى ده عشان اهدي الي بقصده.

- مممم .. ببساطة حضرتك .. الورد بشكل عام هو تعبير
- عن الحب والود والجمال .. الالوان فيها دلالاتها مختلفة .. وفيه
- ورود خاصة بكل مناسبة يفضل نهديا فيها .. ده المقصود من
- الجملة حضرتك قولي عايز تعمل بوكيه لايه وانا اساعدك.
- الحب.
- افندم؟
- عيد الحب يعنى عايز اعمل بوكيه لعيد الحب.
- بس ده بعد ٣ ايام حضرتك.
- لا منا بحب ادرس الموضوع الاول.
- تدرس الموضوع!
- قصدى قلت افهم الاول واسأل قبل عيد الحب يعنى ..
- مممم.
- يعنى تقترحي ايه بوكيه جميل لعيد الحب؟
- فيه حاجات كتير بس ابسط حاجة واشيكها ورد أحمر
- بلدى ويبي فلاور مع شوكليت ستيكس وبالون.
- يبي فلاور ..
- ايوه ..



- يعني ايه؟
- ده ورد ابيض صغير جدا في الحجم وفروعه رفيعة ورقيقة
عشان كده بنسميه بيبي فلاور.
- ااه.
- حاجة تانية حضرتك؟
- لا شكرا ..
- مع السلامة.

**

في ظهيرة اليوم التالي وفي التوقيت الثابت للاستراحة الخاصة
بخالد كان يدفع باب محل الورد ملقياً التحية على هند التي بادلتها
اياها وعيناها بها ترقب وتعجب بذات الوقت.

- أنا كان لي استفسار.

- اتفضل .. خير.

- الشيكولاتة.

نتطلع هند اليه في حيرة فيستكمل "الشيكولاتة الي في البوكيه
حضرتك قلتي لي بتستعملوا في البوكيات نوع استيكس كده
يتغرس في وسط البوكيه".

- ايوه يا فندم.
- ليه؟
- ليه ايه؟
- يعنى ليه مش اى نوع تانى؟
- حضرتك نوع تانى احطه ازاي وسط البوكيه الي اخترته؟

في ضيق زفر خالد وما لبث ان أمسك بالكرة المطاطية التي يستخدمها ليقفل توتره وشرع في الضغط عليها في سرعة كبيرة مما لفت نظر زميله وصديقه هشام الذي توجه اليه قائلاً "برضه هربت مني النهاردة في البريك .. كنت فين يا بني ما تعترف".

- مممممم.
- انطق.
- رحت محل الورد.
- تانااااني!!
- تالت ..
- انت بتهرج بجد .. وعملت ايه؟
- سألتها عن بوكيات الورد المجففة احسن واللا الطبيعي؟



- في صدمة وسخرية ترتطم يد هشام بجهته وهو يصيح بصديقه "يادي الحوسة! ورد مجفف ايه وكرنب محشي ايه يا خالد انت بتهرج؟ هو انت من ساعة أميرة وانت لسانك اتعقد بفيونكة واللا ايه؟".

- هشام.

- هشام ايه بس وبتاع ايه؟ هو انت اول واللا اخر واحد يفشل في حدوتة خطوبته؟ انت مش انت يا خالد .. ده انت حتى خايف تكلمها بصراحة ونقولها انك معجب بيها وعازز تقعد معاها!

- افهمني .. انا متعقدتش واللا اي تخريف م الي بتقوله بس هو لما بتمر بتجربة فاشلة بتبقى خايف تكررهما تاني .. بتبقى طول الوقت بتسأل نفسك هو انا لو جربت تاني حنجح واللا لأ .. حتى لو كنت برئ ومش السبب في فشل تجربتك .. بتقلق برضه يا معلم .. مش يمكن اكون انا السبب .. مش يمكن اكون انا الي فاشل ومش عارف أحافظ على علاقة.

- يا خالد ارحم مرارتي والني .. أميرة دي كانت نكدية
نكد التنين يا بني وقفوشة آخر تمانين حاجة .. دنت يوم ما عرفتها
عليا كانت بتبصلي بصات انثى الطور قبل ما تهجم ع الفريسة
وهي متعرفنيش اصلا بس حظي بقى صاحبك ولازم يعدموني
في ميدان عام .. البت كانت سايكو اقسم بالله ارحم نفسك.

- يعني اعمل ايه؟

- يعني تفكك من اي حوارات بلا ورد بلا بتاع وتروح
تكلمها على طول.

في تردد وصمت يرقبه خالد ثم يردف قائلا: "حشوف .. الفالنتين
بكره .. حكلمها".

في صباح الفالنتين يفارق خالد منزله مبكراً منسق الهندام متوتر
العينين محدثاً نفسه "خلاص بقى حكلمها النهاردة يعني حكلمها انا
مش حفصل اتوتر كده كتير كل ما اكلمها".

عند بوابة البنك يقوم خالد بصف سيارته وعبور الطريق ملاحظاً
وصول هند مبكراً .. يلاحظ لافتة مغلق التي لازالت تصدر
الباب الزجاجي فيتردد لبرهة داخلها الا انه يقول لنفسه

"مبدهاش" .. يدفع الباب فتقبله نظراتها المنزعجة فيتجاهلها متقدما من هند مبادرها "صباح الخير".

تواجهه نظراتها المنزعجة "حضرتك احنا لسه مشغلناش".

يجيبها في حرج "الحقيقة انا عندي شغل وما صدقت لقيتك موجودة بدري" ثم يحاول الاستدراك وفتح حوار عليها تستجيب "انا بشتغل في البنك الي في المبنى الي ادامك ده" الا انها تقاطعه قائلة "سألتي عن كل الورود والشيكولاتة المقترحة لبوكيه الفالنتين والألوان واللفة .. خير نسيت تسأل عن حاجة كان؟".

يشعر انه يريد ان يرحل فوراً امام هجومها عليه فيرتبك "لا، أناااااا".
- نعم؟

يسقط في يده فيجد نفسه يقول لها "عايز الورد .. ممكن عملي البوكيه بقى" ثم يستطرد في استعطاف "اسف لو كنت أزعجتك كده الايام الي فاتت".

تلين ملاح هند في حرج وتجيبه: "أبدا .. أعمله دلوقتي يعني؟؟".

- آه اعلمي البوكيه على ذوقك زي ما كنتي بتقترحي علي بالضبط .. ورد احمر جواه بيبي فلاور وشيكولاتة ستيكس في النص وفيونكة روز شيفون كبيرة وبالونة مربوطة فيه.

- تبدأ هند في عمل البوكيه وهو يراقبها محدثاً نفسه "طيب
وبعدين؟ حمل ايه؟ اخذ منها البوكيه واديهولها .. خريت
الفشل".

يقطع حديثه وتامله لها مستمراً في محاولة وصل الحديث معها
قائلاً "شكلك بتجي شغلك اوي".
- بحب الورد ده حقيقي.

يحدث نفسه: "يا مسهل يارب اهي بتتكلم اهه".
يستطرد "انا بعدي كل يوم من هنا وبشوفك وسط الورد وءءءء"
تقاطعها في حزم "البوكيه تمام .. اتفضل الكارت اكتب عليه لو
تحب تقولي الاسم عشان ادبسه في البوكيه".
في صدمة يحدث نفسه "اسمها؟؟؟ وهو انا عرفت اسمك لسه" ااااا
في فراغ صبر تساءل هند "نعم" فيجيبها "هو الحقيقة سيبي الاسم
فاضي".

تنفحص هند وجهه بطريقة تذيب مقاومته وتجعله على وشك
الانهيار والبوح فيتماسك ويقول بمبادرتها قائلاً "تصوري .. انا
معرفش اسمك .. كنت عايز اشكرك .. انتي فنانة بجد ووو"

تقاطعه في عجلة وكأنها تغلق المغاليق على حديثهما "هند .. اسمي هند".

يحدث نفسه "الله هند" ثم يعاتبها على سرعتها ورغبتها في انهاء الحوار قائلاً "هو انتي على طول سريعة كده يا هند".
- سريعة!

يعود لرحله سريعاً فيبرر "في الشغل يعني عملتيه بسرعة اوي" فتجيبه في سرعة "حضرتك انا معنديش وقت الحقيقة لنص ساعة رغي مع كل عميل كده مش حنخلص" يصمت تماماً مستسلماً بوجوم لنهاية الحوار بينهما تقدم له باقة الورد "اتفضل البوكيه" يشكرها في خيبة امل ويسلمها الكارت الالكتروني لتسحب ثمن الباقة على جهاز الفيزا الالكتروني وتسلمه له في صمت وحزم فيرحل من امامها ..

يخرج خالد من محل هند محبطاً لا يعلم ما يفعل .. ينظر للبوكيه الذي يجمله ويحدث نفسه "انا مش ممكن اطلع بالبتاع ده البنك .. دول يعملوا علي حفلة" يصمت للحظات ثم يتجه لسيارته فاتحاً حقيبة السيارة الخلفية فيضع الباقة بها ناظراً لها ومتمتماً في عبث "ارقد في سلام يا حنفي".

يتوجه للبنك فيبدا يومه وعقله غائب تماماً لا يعلم ماذا يفعل .. يراقب زملاؤه المحتفلين بالفالنتين فهذا يحضر باقة ورد لزميلته المرتبط بها وتلك يرسل لها زوجها باقة تتسلها في فرحة وتقرأ الكلمات التي خطها لها بالكرت المرفق للباقة .. تلعب عيون خالد فجأة فيتناول من درج مكتبه ورقة صغيرة فيكتب "هند .. اسمها هند .. قصدي البوكيه ليكي في الحقيقة .. من ساعة ما فتحتي محلك ادام البنك وانا بشوفك كل يوم وسط الورد .. كنت بحسه مكانك الطبيعي .. يعني وردة جميلة وسط محل ورد .. حاولت أتكلم معاكي كتير بس مكنتش عارف أبتدي منين .. بس النهاردة عرفت حبتدي منين .. إقبلي مني أجمل ورد إتعمل بأرق ذوق واسمحي لي أتكلم معاكي شوية".

يقوم خالد بطي الورقة ويضعها داخل مظروف صغير ويضع المظروف بجاكت البدلة الخاصة به ثم يعود لعمله هادئاً وكأنه وجد ضالته المنشودة.

ينهي عمله بالبنك في الخامسة فيخرج منه متوجهاً للكافيه القريب من البنك والذي يطل على محل هند أيضاً فيجلس مراقباً لهند وهي تقوم بتزيين عشرات الباقات لعملاءها بمساعدة الشاب عمر

الذي يساعدها وصديقتها حبيبة فيمر الوقت بطيئاً حتى تبدو هند مرهقة وهي تودع آخر عملاء لها ويراهما ترقبهم في شغف وعيناها تنطق بالتمني فتنتعش نفسه ويرقب حبيبة وهي تضع لافتة مغلق على زجاج المحل فيسرع لسيارته فيضع الخطاب داخل البوكيه في موضع ظاهر ويسرع به لسيارة هند فيضعه فوق مقدمة السيارة ويبتعد قليلا ليرقب خروجها .. تمر دقائق فيخرج عمر من المحل حاملا أشياء الفتيات الا انه يفاجئ بباقة الورد على مقدمة السيارة فيترك الأشياء بحقيبة السيارة ويدعو هند للخروج فتخرج متوجهة لسيارتها فتتوقف متجمدة أمام الباقة ثم تقترب لتلتقط في رقة الخطاب وتقرأ في لهفة كلماته التي يسترجعها في خياله وقد بلغ الادريينالين في عروقه مداه وما ان ترفع عيناها عن الخطاب حتى يقترب خالد منها مبتسما وماداً ليده لها ومتمتما "خالد .. انا خالد" فتحدق به هند في نجل ثم تلتفت ليده الممدودة لها فتبتسم وتمد يدها مصافحة اياه وهاتفه في مزيج من النجل والسعادة "أهلا يا خالد .. أنا هند .. بياعة الورد".